



30

Štaćić
25.06.2015.
Alen

Broj: 10-05-6704/15
Sarajevo, 22.06.2015.godine

SKUPŠTINA KANTONA SARAJEVO
-Služba za skupštinske poslove-

PREDMET : Odgovor na poslaničko pitanje

Poslanica/zastupnica Bibija Kerla na Drugoj Radnoj sjednici Skupštine Kantona Sarajevo, održanoj dana 29.04.2015. godine, u okviru tačke Dnevnog reda, „Poslanička pitanja inicijative i odgovori“, a u skladu sa Poslovníkom Skupštine Kantona Sarajevo postavila je **poslaničko/zastupničko pitanje** upućeno Ministarstvu zdravstva.

„Kako ostvariti pravo kod Zavoda za zdravstveno osiguranje ukoliko postoje neizmirene obaveze u prethodnom periodu?“

U vezi sa postavljenim poslaničkim/zastupničkim pitanjem dostavljamo slijedeći:

ODGOVOR

Ministarstvo zdravstva Kantona Sarajevo je dana 11.05.2015. godine dostavilo naprijed navedeno poslaničko/zastupničko pitanje Zavodu zdravstvenog osiguranja Kantona Sarajevo. Obzirom da nismo dobili odgovor, upućena je urgencija dana 28.05.2015. godine, a zatim ponovna urgencija dana 11.06.2015 godine.

Ministarstvo zdravstva je dana 17.06.2015. godine zaprimilo odgovor Zavoda zdravstvenog osiguranja Kantona Sarajevo, koji u prilogu dostavljamo.



MINISTRICA
Emira Tanović-Mikulec
Prim.dr Emira Tanović-Mikulec



Broj: 02-9065/15
Sarajevo, 09.06.2015. godine

MINISTARSTVO ZDRAVSTVA KANTONA SARAJEVO
N/r Ministar dr. Emira Tanović-Mikulec

Predmet: *Veza Vaš akt br. 10-05-6704-1/15 od 28.06.2015. godine*

Poštovana,

Vezano za Vašu urgenciju koja se odnosi na postavljeno zastupničko pitanje zastupnice Kerla Bibije o ostvarivanju prava na zdravstveno osiguranje ukoliko postoje neizmirene obaveze u prethodnom periodu, obavještavamo Vas slijedeće.


Članom 87. Zakona o zdravstvenom osiguranju ("Sl. novine FBiH" br. 30/97, 07/02, 70/08 i 48/11) je utvrđeno da se obvezniku uplate doprinosa kod koga se utvrdi da nije uplatio doprinos obustavlja dalje korišćenje zdravstvene zaštite izuzev hitne medicinske pomoći. Istim članom je predviđeno da se pravo korištenja zdravstvene zaštite u cijelosti uspostavlja danom podmirenja svih dospjelih, a neuplaćenih sredstava kantonalnom zavodu osiguranja u skladu sa odredbama Zakona o obligacionim odnosima.

Međutim, ukoliko zaposlenik obveznika koji je dužan za doprinos za obavezno zdravstveno osiguranje radni odnos nastavi u drugom pravnom licu koje uredno izmiruje zakonske obaveze, taj zaposlenik može uredno koristiti prava iz zdravstvenog osiguranja, odnosno može ovjeravati zdravstvenu legitimaciju, čime stiče uslov da koristi zdravstvenu zaštitu.

Obaveza izmirenja duga je na odgovornom licu obveznika obračuna i uplate doprinosa.

S dubokim poštovanjem,

Pripremila:



Elma Ljuca
Stručni saradnik

Dostaviti:

1. Naslovu;
2. Evidenciji;
3. a/a.



DIREKTOR


Dr. sci. Kenan Crnkić, dipl. oec.